



Vernesa Manov

04.06.2025. 06:08

Pogledano: 36 puta

Promocija knjige "UMJETNOST OBRAZOVANJA" autorice Vernese Manov

Knjigu "Umjetnost obrazovanja" književnice Vernese Manov, nastavnice bosanskog jezika u "Prvoj osnovnoj školi" Donji Vakuf promovisali su učenici dramske sekcije i nastavnice, autorice stručnih tekstova u ovoj knjizi.



27. maja 2025. godine sa početkom u 19 časova održana je u holu "Prve osnovne škole" Donji Vakuf promocija nove knjige "Umjetnost obrazovanja" književnice i nastavnice Vernese Manov.

Ovo je njeno četrnaesto autorsko djelo, jedinstveno kao i prethodna izdanja zbog toga što je autorica uspjela u knjizi objediniti svoja četiri autorska obrazovno- umjetnička programa za koja je tokom ovih godina u svojoj nastavnoj i književnoj praksi dobila mnoštvo vrijednih regionalnih, ali i svjetskih nagrada i priznanja.

Knjiga je sačinjena od stvaralačkih i inkluzivnih priča, priručničkih smjernica za nastavne i vannastavne sadržaje, te su u njoj tekstovi o dobrim nastavnim praksama iz tehničke kulture nastavnice Samira Brkić, Almedine Riđal iz turskog jezika i Mirsade Ždralović iz engleskog jezika.

Pored nastavnog osoblja priliku da se ostvare kao prave spisateljske duše dobile su učenice Ilhana Hajić, Emela Ajanović, Amna Ramić, Nejra Velagić, Aiša Zahirović, a likovni crte od Davud Hasanagić.

Moderatorica promocije, nastavnica Midheta Spahić- Galešić, učinila je tu noć voditeljskim pristupom zanimljivom.

Promocija knjige bila je prilika da se prisutni obraduju i dramskim performansima članova dramske sekcije i VIII-A odjeljenja , te muzičkim numerama Ajdina Rahmanovića.

Direktorica škole, gospođa Selvedina Fazlagić nije krila svoje zadovoljstvo prezentiranim i općenito idejom da se "Prva osnovna škola" Donji Vakuf nađe u ulozi domaćina jednog ovakvog kulturnog događaja koji i ovaj put školu stavlja u fokus inovativnosti i trenda savren+menih obrazovnih tokova.

Sama autorica nije krila sreću i oduševljenje što je prvu promociju svoje nove knjige podarila svojoj školi jer je to mjesto odakle počinju ideje, ostvaruju se profesionalni snovi i čini svijet ljepšim i boljim prenoseći djeci znanja i umijeća.



Tags

Istraživanje i stvaranje

Collections

Inspiriraj druge

Objava